



Hei

Mu namma lea Mina, ja lean Norrga mánáidáittardeaddji. Mun barggan vai buot mánáin galgá leat buorre dilli.

Okta áššiin mas beroštan hirbmadit, lea ahte mánáin galgá oadjebas ja buorre ruoktu. Jus mánáin ii leat nu, de fertet mii ollesolbmot ohcat eará saji gos sáhttet leat.

Don leat dál bohtán heahteguovddáži. Dáppe beasat dovdat oadjebassan. Soaitá don leat leamaš balus, it leat leamaš oadjebas ja leat váivvis. Diekkár dilli ii galgga ovttá ge mánás. Buot mánáin lea vuoigatvuohta eallit nu ahte ii leat

veahkeválddáláshvuohta. Dat mearkkaša ahte ii oktage galgga áitit du, huškut du dahje dahkat maidege du rupmaša vuostá maid don it hálit. Lea áibbas lobiheapmi ahte muhtin ollesolmmoš áitá, hušku dahje skáidne du. Ollesolbmui lea oainnat ovddasvástádus ahte dus lea buorre dilli.

Ollesolbmui ii ge leat lohpi skáidnet eará ollesolbmuid. Soaitá ahte don leat oaidnán dahje gullan ahte soames ollesolmmoš lea huškkohallan, soaitá leat leamaš du eadni dahje áhčči? Don it galgga dárbbasit vásihit ahte earáin du bearrašis lea heajos dilli.

Jus vásihat veahkeválddáláshvuođa, dahje oainnat soapmása gillát veahkeválddáláshvuođa, de lea áibbas dábálaš ahte dus leat feara makkár dovddut. Muhtimiidda šaddá váivi, earát gis eai ádde mii dáhpáhuvvá, suhttet dahje ballet. Muhtimat eai dieđe áibbas maid jurddašit dahje dovdet. Visot dovddut leat dábálaččat. Dat mii de lea dehálaš, lea ahte lea ollesolmmoš geainna sáhtta gulahallat movt duinna manná.

Heahteguovddáži barget ollesolbmot geat leat hájána hálleštit mánáiguin geain lea váttis dilli. Don beasat mitalit sidjiide movt dus lea, ja sii sáhttet veahkehit du. Don sáhtat maid čállit Mánáidáittardeaddjái jus lea mihkkege maid háliidat jearrat.

Mun sávan dutnje buot buori ja sávan ahte dutnje ja du bearašii šaddá fargga buoret dilli.

Dearvuodáiguin mánáidáittardeaddji Mina Gerhardsen